

禮記鄭讀考

禮記鄭讀攷卷三

福州陳壽祺學

男喬樞述

郊特牲第十一

次路五就○注云禮器言次路七就與此乖字之誤也
喬樞謹案此殷制也禮器大路繁纓一就次路繁
纓七就注云大路殷祭天之車也正義云次路殷
之第三車也此記正義云先路亦殷路也殷則三
路其世猶質故以少飾爲先攷周禮巾車王之五
路一曰玉路錫樊纓十有二就金路鉤樊纓九就
象路朱樊纓七就革路龍勒條纓五就木路前樊

鵠纓注云木路不言就數與革路同周人尙文以多爲貴自金路以下就數相降以二此大路先路次路就數亦相加以二故知禮器言次路七就七爲五字之誤也詩豳風七月鳴鵲王肅云蟬及鵲皆以五月始鳴今云七月其義不通古五字如七春秋昭十七年傳正義亦引王肅詩說云七當爲五古文五字似七故誤

饗禘有樂○故春禘而秋嘗○注云此禘當爲禴字之誤也王制曰春禴夏禘

案孔氏正義引皇氏云此旣破禘爲禴故於祭統秋

嘗不復更破從此可知也

喬樅謹案釋文饗禘音藥下春禘同攷爾雅春祭
曰祠夏祭曰禘秋祭曰嘗冬祭曰蒸此記所論謂
夏殷禮也王制言天子諸侯宗廟之祭春曰禘夏
曰禘秋曰嘗冬曰蒸注云此蓋夏殷之祭名周則
改之春曰祠夏曰禘以禘爲殷祭詩小雅曰禘祠
烝嘗于公先王此周四時祭宗廟之名鄭君以夏
殷之禮有春禘而無春禘故定此禘字爲禴之誤
所以交於且明之義也○注云且當爲神篆字之誤也
喬樅謹案說文云冒籀文申疑古文假申爲神字

與旦形近故致誤耳周頌應田縣鼓箋云田當作
艸聲轉字誤變而爲田亦與神之誤爲旦者相似
此記下文云不取用常褻味而貴多品所以交於
神明之義也又云所以交於神明者不可同於所
安樂之義也所以交於神明者不可同於所安褻
之甚也故知此旦明當作神明王氏經義述聞曰
案汗簡古尙書神作𡇗古文四聲引崔希裕纂古
神作𡇗集韻神古作𡇗脫去上半而爲旦矣其說
亦通汪中述學謂詩昊天曰旦旦乃神字之誤與
此記交於旦明神字作旦其誤正同

繡黼丹朱中衣○注云繡黼丹朱以爲中衣領緣也繡讀爲綃綃綃名也詩云素衣朱綃又云素衣朱襮繡領也

案與詩素衣朱襮箋改傳繡黼爲綃同从魯詩之說也昏禮注同

喬樅謹案士昏禮姆纁笄宵衣注云宵爲詩素衣朱綃之綃又云姆亦元衣以綃爲領逕易經文宵字作綃特牲饋食禮主婦纁笄宵衣注云宵綺屬也此衣染之以黑其綃本名宵詩有素衣朱宵記有元宵衣宵皆綃之假借鄭君於特牲不改宵

爲綃者以士昏注讀宵爲綃其義已見故文從省耳禮家多齊詩之學齊詩假宵爲綃毛詩假繡爲綃惟魯詩作綃用正字故鄭讀從魯

天子存二代之後猶尊賢也○注云二或爲三

案五經異義公羊說據二王之後古春秋左氏說兼論三恪韋元成施肇等以爲王者所封三代而已此禮記別本所以或作二或爲三也

喬樅謹案正義引鄭駁異義云所存二王之後者命使郊天以天子之禮祭其始祖受命之王自行其正朔服色此之謂通天三統恪者敬也敬其先

聖而封其後與諸侯無殊何得比夏殷之後又詩
陳譜正義引駁異義云三恪尊於諸侯卑於二王
之後是鄭君意以二代爲長左傳襄二十五年云
庸以元女太姬配胡公而封諸陳以備三恪杜預
注云周得天下封夏殷二王後又封舜後謂之恪
并二王後爲三國其禮轉降不敬而已故曰三恪
元凱之注即本於韋施說

諸侯不臣寓公○注云寓寄也寓或爲託

喬樅謹案寓託二字訓義相同說文寓寄也从宀
出聲重文寓云寓或从广託寄也从言毛聲侂寄

也从人庀聲庀古文宅託與侂通論語可以託六尺之孤玉篇人部引論語作可以侂六尺之孤宅之从宀从广與寓之从宀从广同意孟子萬章下士之不託諸侯注託寄也離婁下無寓人於我室注寓寄也管子大匡百姓寓焉注云寓寄託也又山權數託舍於若注託舍猶寄居也方言二寓託寄也凡託爲寄

鄉人禡○注云禡強鬼也謂時儺索室毆疫逐強鬼也禡或爲獻或爲儺

案論語鄉人儺鄭注云十二月命方相氏索室中驅

疫鬼魯讀儻爲獻今從古

喬樅謹案釋文禡音傷鬼名也難乃多反下同本
又作儻攷說文禡道上祭也周禮大祝辨九祭二
曰衍祭注引鄭司農云衍祭羨之道中如今祭禡
無所主命段玉裁曰韵會引說文禡強鬼也又引
禮記鄉人禡注逐強鬼也又引廣韻道上祭也疑
說文示部本有二字禡強鬼也从示傷省聲禡道
上祭也从示易聲周禮司巫注下禡此傷省聲之
禡也大祝注如今祭禡此易聲之禡也郊特牲鄉
人禡其字亦當從禡喬樅案玉篇示部禡與章書

羊二切強鬼也道上祭也玉篇音義皆本說文疑
說文禡字下本有二訓轉寫脫去強鬼也三字耳
段謂有禡禡一文殆未必然字之從易從易者多
是或體如場或作場湯或作湯之類皆是集韻三
禡強鬼也一曰祭名或作禡是禡乃禡之或體類
篇禡余章切說文道上祭禡尸羊切強鬼也一曰
祭名始分別禡禡爲二然禡下一曰祭名之訓仍
是禡之訓義則禡卽禡字也禡說文本有強鬼也
之訓故韻會引之禡或爲獻或爲儼者禮家所傳
師讀文異耳周禮占夢遂令始難毆疫注云難謂

執兵以有難卻也故書難或爲儺杜子春儺讀爲
難問之難其字當作難段玉裁曰儺杜子春讀爲
難問之難而鄭從之故占夢方相氏注皆云難卻
於月令季春季秋季冬注云此難難陰氣也此難
難陽氣也難皆當讀乃旦反杜云讀爲難問之難
者訓其音義也云其字當作難者定其形不當作
儺又三引月令皆作難以爲証說文人部儺行有
節也引詩佩玉之儺不引周禮然則許亦依杜說
毆疫之字作難矣古論語本作難後人改之加人
旁耳方相氏疏引論語正作難劉昌宗周禮音依

杜難音乃且反是也戚衰音乃多反乃詩竹竿雉
字之音陸氏於方相氏月令郊特牲鄉黨皆音乃
多反淺人反以雉爲毆疫正字改易滑譌音形俱
失段說是也續漢書禮儀志中注引譙周論語注
亦云雉郤之也以羣矢射之淮南時則訓天子乃
雉高誘注雉猶除也雉讀躁難之難又呂氏春秋
季春紀注雉讀論語鄉人難同尤足証古論語字
本作難故高誘讀從之

二曰伐鼓何居○注云居讀爲姬語之助也

案詳見前櫃弓

惟社邱乘共築盛○注云四邱六十四井曰甸或謂之
乘乘者以於車賦出長穀一乘乘或爲隣

喬樅謹案周禮稍人掌邱乘之政令注云邱乘四
邱爲甸甸讀與維禹敝之之敝同其訓曰乘由是
改云小司徒四邱爲甸注甸之言乘也讀如衷甸
之甸說文人部衷甸引作中佃一轅車也甸古音
同陳陳乘聲同甸乘字通乘隣音近故檀弓陳乘
疾注云陳或作陵楚人聲隣亦作鄰古作鄰北海
相景君銘邦邦歸向鄰卽鄰字麥麥形相似乘陵
訓相同故乘或爲鄰

而君親誓社○注云社或爲省

喬樅謹案玉藻云惟君有黼裘以誓省注省當爲
獮獮秋田也國君有黼裘誓獮田之禮鄭君於玉
藻破省爲獮故於郊特牲亦不從或本省字據上
文季春出火然後簡其車賦而厯其卒伍是春時
蒐曰之禮周官大司馬仲春教振旅遂以蒐田有
司表貉誓民鼓遂圍禁火弊獻禽以祭社與此記
誓社文正合

而流示之禽而鹽諸利○注云鹽讀爲艷行田示之以
禽使飲艷之

喬樅謹案鹽豔一聲之轉毛詩小雅豔妻煽方處
尙書中候作剡妻魯詩作閭妻剡閭與鹽字亦聲
同惠棟九經古義云古樂府有昔昔鹽三婦鹽亦
作豔古字通儀徵阮氏曰大戴記官人篇淹之以
利淹與豔同逸周書官人解臨之以利臨乃鹽字
之譌鹽淹豔三者通也

獻命庫門之內○注云庫或爲廢

喬樅謹案庫廢二字訓義相通說文庫兵車藏也
从車在广下廢馬舍也从广毀聲釋名釋宮室云
庫舍也物所在之舍也故齊魯謂庫爲舍也廢句

也。句聚也。牛馬之所聚也。廣雅釋宮：屋，庫府；廡，並訓舍也。故禮記庫或爲廡。

大圭不琢。○注云：琢當爲篆字之誤也。

案詳見前禮記篇。

一與之齊。○注云：齊或爲醢。

喬樅謹案：說文西部醢，冠娶禮祭也。从酉，焦聲。醢或从示，玉篇西部醢，冠娶妻也。禮祭也，或作醢字。攷士昏禮：女父醢女而俟迎者，壻父醢子命之往迎。又曰：舅姑共饗婦以一獻之禮。庶婦則使人醢之。醢酌用醢，醢酌用酒，大同小異耳。是昏禮有醢。

與冠禮同大戴禮禮三本篇大昏之未發齊也史
記禮書作大昏之未廢齊也索隱曰廢齊謂婚禮
父親醮子而迎之故曲禮云齋戒以告鬼神是昏
禮有齊也據司馬貞讀齊如齋訓齊爲醮謂告祖
命子親迎禮祭也王氏引之曰齊當讀爲醮聲近
而假借也醮與醕同說文醕飲酒盡也又云歡盡
酒也荀子禮論利爵之不醮也楊注醮盡也謂祭
祀畢祝告利成利成之時其爵不卒奠于筵前也
大戴禮醮作卒是卒爵謂之醮士昏禮贊洗爵酌
醕主人主人拜受醕婦亦如之卒爵皆拜再醕如

初三醕用登亦如之婦與夫皆卒爵故曰與之醕也列女傳賢明傳宋鮑宗女曰婦人一醕不改夫死不嫁貞順傳蔡人之妻曰適人之道一與之醕終身不改息君夫人曰終不以身更貳醕皆本於此篇是古本正作醕也案如王說則齊當爲噉之消借醕字大戴禮作卒史記禮書作啐噉啐皆嘗也噉至齒啐入口醕則卒爵也皆飲酒淺深之節度散文則通故醕或作啐或作噉耳

夫也者以知帥人者也○注云夫之言丈夫也夫或爲傳

喬樅謹案詩陳風夫也不良毛傳云夫傳相也正
義引郊特牲夫也者以知帥人者也注云夫或爲
傳或爲傅者正謂此訓夫爲傳也李黼平曰此傳
當以夫傳二字句毛讀夫爲傳也相也二字句釋
傳字也孔以毛無破字之例故謂訓夫爲傳不知
毛傳如此者多皆是破字特未如鄭言當讀爲某
字當作某字耳喬樅謂大戴記本命云夫者扶也
白虎通三綱六紀篇云夫者扶也以道扶接也扶
亦相助之義廣雅釋言云傳相也釋親云夫扶也
皆扶助輔相之意又風俗通云夫者膚也言其智

● 膚敏宏教也故曰丈夫應劭言其智清敏宏教卽本此以知帥人之義膚字古亦與扶通

血腥燭祭用氣也○注云燭或爲脂

案下文腥肆燭臚注同又祭義燭祭祭腥而退注燭祭祭腥或爲合祭腥泄脂熟也

喬樅謹案燭乃燭之假借玉篇火部燭火燄也月部燭引禮記曰三獻燭沈肉於湯中也今禮器篇作三獻燭是燭爲正字燭爲假借字衆經音義七引三蒼燭作焰晉書音義下焰與燄同焰卽燭之省文祭義燭祭注湯肉曰燭卽所謂沈肉於湯中

也脂廣雅釋詁云燔也玉篇月部脂滫也生熟牛
也禮記云腥也王氏念孫曰說文熬於湯中淪肉
也或从炙炙聲作𦔻少牢下篇乃𦔻尸俎鄭注云
𦔻溫也楚詞大招炙鵠烝鳧𦔻鵠陳只王逸注𦔻
燔也𦔻𦔻燔並通又案此注燔或爲脂有司徹疏
引作燔或爲𦔻𦔻卽燔字儀禮聘禮注惟𦔻者有
膚釋文云𦔻本一作燔

故既莫然後炳蕭合羶薌○注云莫謂薦孰時也羶當
爲馨聲之誤也莫或爲薦

案祭義燔燎𦔻薌注亦云羶當爲馨聲之誤也下文

亨孰羶薌大戴記曾子大孝篇作鮮香

喬樅謹案說文云香芳也从黍从甘春秋傳曰黍稷馨香凡香之屬皆從香馨香之遠聞者从香聲聲此記上文云蕭合黍稷則炳蕭合馨薌是指黍稷言故知羶當爲馨字之聲誤王氏經義述聞曰小雅信南山傳云血以告殺爵以升臭合之黍稷實之於蕭合馨香也大雅生民傳云既莫而後燕蕭合馨香也毛公兩言合馨香皆用此篇之文而其字皆作馨則羶爲馨之借字甚明顏師古匡謬正俗曾不之考反以鄭爲迂曲而讀羶爲腥羶之

羶其失甚矣奠或爲薦者奠薦聲近義亦相通左
氏昭十五年傳故能薦彝器於王注薦獻也玉藻
唯世婦命於奠繭注奠猶獻也廣雅釋言奠薦也
祔之爲言倮也○注云倮猶索也倮或爲諒

喬樅謹案倮諒並從京聲聲近故古或通假記上
文云索祭祝於祔故鄭此注云倮猶索也段玉裁
曰說文倮疆也从人京聲倮亦作僇倮不訓索而
與水部之澆音同澆者浚乾漬水也索求神似之
說文澆下引孟子曰孔子去齊澆淅而行卽萬章
篇文今本澆作接當是字之誤張敦仁撫本禮記

鄭注攷異云注倥或爲諒撫本作倥或爲諒岳本同

首也者直也○注云直或爲植

案詳見前檀弓

明水汎齊○注云汎齊或爲汎齊

喬樅謹案釋文說齊始銳反字又作汎汎本又作泛同汎清也沛之使清也此記下文云凡汎新之也是汎齊包五齊而言皆謂沛之使清不當單舉汎齊也周禮司奠爇曰醴齊縮酌盞齊汎酌此記下文云縮酌用茅醢酒汎于清五齊中泛齊醴齊

尤濁益齊以下差清故泛醴二齊必沛之以茅益
緹沈三齊則沛之以清酒而已或本作汎齊者汎
者成而滓浮泛泛然釋名云汎齊浮蟻在上汎汎
然也醴齊釀之一宿而成體有酒味而已汎齊爲
新成之齊故與明水皆言貴新也

腥肆爛臠祭○注云爛或爲脂

案與上血腥爛祭注同

汁獻況于醖酒○注云獻讀當爲莎齊語聲之誤也

案說詳見前禮器篇

猶明清與醖酒于舊澤之酒也○注云澤讀爲醕舊醕

之酒謂昔酒也

喬樅謹案周禮司尊彝注引郊特牲曰猶明清與
醖酒于舊澤之酒也澤讀曰醒明酌清酒醖酒涉
之皆以舊醒之酒與此記注音義同釋名釋飲食
云醒酒久釀酒澤也又云酒酉也釀之米麴酉澤
久而味美也周禮酒正辨三酒之名一曰事酒二
曰昔酒鄭注云事酒酌有事者之酒其酒則今之
醒酒也昔酒令之酋久白酒所謂舊醒者也說文
酋部云酋釋酒也从酉水半見於上釋酒醖滓下
沈水半見於上故像之釋與醒古今字之異耳

有由辟焉○注云由用也辟讀爲弭謂弭兵遠罪疾也
案據周禮小祝

喬樅謹案周禮小祝彌災兵注云彌讀爲救救安
也男巫春招弭注云杜子春讀弭如彌兵之彌元
謂弭當爲救字之誤也救安也安凶禍也段玉裁
曰彌兵左氏傳作弭兵蓋古文假借也鄭君意弭
爲鞭弭字故改爲救謂爲字之誤小祝注彌讀曰
救不言字之誤者彌古多用爲彌縫字義略相近
也喬樅謂彌弭古通用字文選羽獵賦望舒彌轡
注彌與弭古字通漢書王莽傳上彌射執平注彌

讀與弭同又以彌亂發姦注彌讀曰弭弭與救義
亦通說文救撫也从支米聲周書曰亦未克救公
功讀若弭鄭注洛誥云救安也周書作雒解內弭
父兄注云弭安也辟又與弭通史記宋世家宋辟
公名辟兵辟兵卽弭兵也索隱引竹書紀年作桓
侯璧兵璧兵蓋辟兵之假借史游急就章高辟兵
顏師古注辟兵言能弭止兵戎也王應麟補注曰
漢霍光傳有司隸校尉辟兵不知姓王子侯表有
西梁侯闢兵百官表執金吾辟兵楚元王太子辟
非注辟非猶辟邪辟兵之類

內則第十二

敦牟卮匱○注云牟讀曰埜也卮匱酒漿器敦牟黍稷器也

案孔氏正義引隱義曰埜土釜也今以木爲器象土釜之形釋文齊人呼土釜爲牟

喬樅謹案釋文埜字又作釐釐乃埜字之譌也埜者埜之今字牟者古文假借字也說文釐鍤屬从金被聲鍤如釜而大口从金復聲釐卽埜也鍤亦釜也方言曰釜自關而西或謂之釜或謂之鍤廣雅釋器鍤釐並訓釜也王氏疏証曰急就篇鐵鉄

鍤雖釜鍤鑿顏師古訓云鑿似釜而反脣一曰鑿者小釜類卽今所謂鍋也漢書匈奴傳云多齎脯餼薪炭說文脯餼屬也或作釜又云秦名土釜曰斛从鬲斗聲斛卽今鍋字王說是也說文無鑿字呂忱字林云鑿鑿邱也前高後下曰鑿則鑿卽旄邱字其訓作土釜者乃鑿之假借古人以土爲釜故假鑿爲鑿字字之從救者古文多作𠂔如𦉳𦉴古作𦉵麥毛詩古文作𦉶麥𦉷賊古文作𦉸賊東海廡碑收責侵𦉹又假爲𦉺字皆其驗也

男子入內不嘯不指○注云嘯讀爲叱

喬樅謹案鄭君讀嘯爲叱者蓋以嘯爲誚字之假借字之从肅从肖者古文多通用如簫或作箭嘯或作續之類皆是說文嘯吹聲也歎籀文嘯字詩江有汜其嘯也歌箋云嘯者感口而出聲誚說文以爲古文譙字廣雅釋言譙呵也衆經音義二十引蒼頡篇云譙呵也說文口部叱呵也衆經音義引蒼頡篇云大呵爲叱又引通俗文云走而吐之曰叱此記言男子入內不嘯不指嘯是自嘯叱是叱人正義以爲不嘯與不指連文指旣指物明嘯是叱人故以嘯爲叱矣

膳腳臠臠醢牛炙醢牛臠羊炙羊臠豕炙醢豕炙醢豕臠
豕臠豕臠魚臠雉兔鶉鷄○注云此上大夫之禮庶羞
二十豆也以公食大夫禮饌校之則臠牛炙間不得有
醢衍字也又以鶉爲鶉也

喬樅謹案公食大夫禮云庶羞腳以東臠臠牛炙
炙南醢醢以西牛臠醢牛臠南羊炙以東羊臠
醢豕炙炙南醢以西豕臠豕臠魚臠又云庶羞西
東毋過四刻上大夫庶羞二十加於下大夫以雉
兔鶉爲注云內則謂醢爲臠然則臠用醢今文醢
作臠此記正義云二十豆者腳一謂牛臠也臠二

謂羊臠也。臠三謂豕臠也。牛炙四炙牛肉也。此四物共爲一行。景在於北。從西爲始。醢五謂肉醬也。牛臠六。謂切牛肉醢。七牛膾八。此四物又爲第二行。陳之從東爲始。羊炙九。羊臠十。醢十一。豕炙十二。此四物爲第三行。陳之從西爲始。醢十三。豕臠十四。芥醬十五。魚膾十六。此四物爲第四行。陳之從東爲始。以上十六豆是下大夫之禮也。雉十七。兔十八。鶉十九。鵲二十。此四物爲五行。陳之從西爲始。此是上大夫所加二十豆。校公食大夫禮。臠之下牛炙之上無醢字。則醢衍文也。又公食大

夫禮以雉兔鶉鴛鴦賈氏疏曰案爾雅釋鳥云鴛鴦
母郭氏曰鶉也青州人呼曰鶉母莊子曰田鼠化
爲鶉淮南子云蝦蟇所化也月令曰田鼠化爲鶉
然則鴛鴦一物也郝氏懿行曰夏小正田鼠化爲
鴛傳云鴛鴦也呂覽季春紀注鴛鴦也青州謂之
鴛鴦周雉謂之鴛幽州謂之鶉淮南時則訓注同
然則鶉鴛俱鶉之別體鴛鴦卽牟母之借聲鴛鴦
二鳥本非同類故公食大夫以鶉鴛並列內則鶉
與鴛釀異名是皆以爲二物也今鶉黃黑雜文
大如秋鶉無尾鶉校長大黃色無文長頸長嘴鶉

之言聞也鵠之言純也純亦文也郝說是也鵠鵠
鵠鵠皆聲近字故古相通借

醴濫○注云濫以諸和水也以周禮六飲校之則濫涼
也紀莒之間名諸爲濫

喬樅謹案濫字與涼義得相通說文濫汜也一曰
清也素問五運行大論其性爲涼注曰涼清也肺
之性也周禮漿人四曰涼鄭司農注云涼以水和
酒也鄭君注云涼今寒粥若糗飯雜水也此注云
濫以諸和水正義以爲諸者衆雜之辭謂以諸雜
糗飯之屬和水也管子禁藏篇夫冬日之不濫非

爰水也注云濫謂泛水於水以求寒所謂濫漿呂覽節喪篇鍾鼎壺濫注云以冰置水漿於其中爲濫則濫漿之名古有是稱矣

羞粢餌粉醢○注云此記似脫周禮羞邊之實粢餌粉羞羞豆之實醢食糝食此醢當爲飭以稻米與狼臠膏爲飭是也

喬樅謹案釋文醢讀曰饗又作饗之然反又之善反攷周禮醢食注鄭司農云醢食以酒醢爲餅亦謂醢饗也內則曰取稻米舉糝漉之小切狼臠膏以與稻米爲饗段玉裁曰此鄭君破醢字從內則

之饗也雜問志曰內則饗次糝周禮醢次糝又醢
在六飲中不合在豆且內則有饗無醢周禮有醢
無饗明醢饗是一故破醢從饗也鄭志甚明而內
則饗注云此周禮醢食也此醢當從饗謂周禮醢
食之醢當從內則作饗亦與此注合醢與饗皆粥
也而醢薄饗厚小切狼臠膏與稻米爲饗尤饗之
至厚者說文鬻或作饗醢賈侍中說爲粥清鄭君
注四飲曰醢今之粥醢飲粥稀者之清也然則醢
饗各物者析言之周禮謂饗爲醢者統言之此如
毛傳棘棗也是統言說文並束爲棘重束爲棗則

是析言且饗今音諸延切古當讀衍平聲與醢双聲故周禮以醢爲饗也醢食之醢與四飲之醢異猶內則羞糗餌粉醢與黍醢之醢異段說是也

濡魚卵醬○注云卵讀爲鯢鯢魚子或作攔也

喬樅謹案爾雅釋魚云鯢魚子李巡曰凡魚之子總名鯢也鄭君讀卵爲鯢者錢大昕曰卵本是卵字故又有攔音詩其魚魴鱣鄭箋訓鱣爲魚子鱣鯢卵聲皆相近卵从卵聲闕又從卵聲攔則漢時俗字與鱣亦同音也段玉裁曰卵說文云凡物無乳者卵生象形卵古文卵五經文字卵古患反見

詩風又古猛反見周禮說文以爲古卵字九經字
樣曰說文作𠂔隸變作𠂔汗簡亦以𠂔爲古文𠂔
字卵之古音讀如管又讀如攔鄭注內則卵讀爲
鯢鯢魚子也或作攔韋昭國語鯢鮪注亦云鯢魚
子也內則之魚子言其未生者國語之魚子言其
已生者其意一也引申之爲詩總角𠂔兮之𠂔毛
傳曰𠂔幼穉也此謂出腹未久故仍得此稱如魚
之未生已生皆得曰鯢也又引申之周禮有𠂔人
鄭曰𠂔之言礦也金玉未成器曰𠂔此謂金玉錫
石之樸韞於地中而精神見於外如卵之在腹中

也

麋膚魚醢○注云膚或爲胖

喬樅謹案膚與胖義亦相通詩六月以奏膚功毛傳云膚大也孟子離婁上殷士膚敏趙注云膚大也大學心廣體胖鄭君注云胖猶大也是義通之証又周禮腊人臠胖注胖之言片也析肉意也與此記以膚爲切肉也其義相近又少牢饋食禮雍人倫膚九注云膚脅革肉此記下文鵠鴉胖注云胖謂脅側薄肉也訓亦相近

皆有軒○注云軒讀爲憲憲謂藿葉切也軒或爲胖

案樂記武坐致右憲左注憲讀爲軒聲之誤也

喬樅謹案記下文云肉腥小者爲膾大者曰軒是
膾與軒二者言大切細切之異名也憲謂藿葉切
者卽大切之形鄭君注云膾者必先軒之所謂聶
而切之也少儀曰麋鹿爲蒞野豕爲軒皆聶而不
切麋爲辟雞兔爲宛脾皆聶而切之周禮醢人注
引禮記少儀聶皆作牒釋文云牒本作臠說文牒
薄切肉也是臠卽牒字聶又臠之省借軒或爲胖
者周禮內饔注云胖如脯而腥者疏云不乾而腥
則謂之胖引內則曰麋鹿田豕膾皆有胖胖宜爲

脯而腥胖之言片也析肉意也腊人注又云薄析
曰脯則胖與脯相似其別在腥腊之分耳胖爲肉
腥之薄片者是與軒同物故軒字亦或作胖也

三牲用藪○注云藪莢菜莢漢律會稽獻焉爾雅謂之
檄

喬樅謹案正義引賀氏云今蜀郡作之九月九日
取茱萸折其枝連其實廣長四五寸一升實可和
十升膏名之藪也攷藪字說文作藪莢菜莢从艸
頽聲漢律會稽獻藪一斗說與鄭同鄭以藪卽爾
雅之檄者說文云檄似茱萸出淮南李巡爾疋注

則云檄茱萸也王逸楚詞注亦云檄茱萸也廣雅
釋草同郭璞云藪似茱萸而小赤色然則藪與藪
同是一種實之大小微異耳稱名之例可以互通
也

豕望視而交睫腥○注云腥當爲星聲之誤也星肉中
如米者

案說文云腥星見食豕令肉中生小息肉也其義似
迂鄭破爲星則直矣又周禮內饔望視作盲視杜子
春云當爲望視讀從內則也

喬樅謹案釋文腥依注作星周禮內饔曰豕盲視

而交曉腥鄭注云腥當爲星聲之誤也內有如米者似星與注內則同段玉裁曰按鄭意腥爲腥熟字豕不可食者當作星與經傳及今俗用字皆合許則謂腥熟字正作胜腥豕謂豕不可食者與鄭說異爾雅米者謂之粦郭云飯中有腥其用字與許同也

馬黑脊而般臂漏○注云漏當爲蠮如蠮蛄臭也

喬樅謹案周禮內饗曰馬黑脊而般臂蠮注引鄭司農云蠮蛄蛄臭也此記注讀從先鄭說郭璞山海經北山經注引周禮曰馬黑脊而斑臂膊膊蓋

亦螻之假借列子周穆王篇王之厨饌腥螻而不
可饗注亦云螻螻蛄臭也

鵠鵠胖○注云鵠或爲鵠

喬樅謹案說文鵠鴻鵠也鵠鵠鳥也肉出尺載重
文鮑云鵠或从包段玉裁曰內則鵠鵠胖鵠或爲
鵠鵠胖在不利人之列此云出尺載者蓋謂去此
尺載不食其餘可食古平聲包聲同在三部管子
周禮注皆作鵠喬樅謂漢書司馬相如傳上鳩鵠
鵠鵠鵠二字連文正本內則鵠據陸璣疏曰鵠
連蹄性不樹止蓋與鵠同爲水鳥亦鵠雁之屬詩

鵝羽序釋文云鵝似雁而大無後趾後漢書班彪傳上注亦云鵝似雁而大無指是也

野豕爲軒兔爲宛脾○注云軒或爲胖宛或爲鬱

案詩鬱彼北林周禮函人注作宛彼北林

喬樅謹案宛與苑通宛苑鬱三者義同詩晨風鬱彼北林傳云鬱積也又都人士我心苑結箋云苑積也苑結卽鬱結之謂方言十三云宛蓄也蓄亦積也風俗通云苑蘊也言薪蒸所蘊積也爾雅宛卽釋文云宛謂蘊張隆高也

淳母○注云母讀曰模模象也作此象淳熬

喬樅謹案毋模以聲同假借毋古文多作無見儀禮禮記檀弓下其毋以管巧者乎注云毋無也又曲禮毋不敬釋文云毋猶今人言莫也書大禹謨疏亦云古人言無猶今人言莫字之从莫从無者古多相通如謨古作譙見管子形勢篇說文膺無骨脂也引周禮有膺判讀若謨漢書劉向傳集注引應劭曰撫音規摹之摹又蕭望之傳集注云撫讀曰模後漢書杜篤傳撫未央注撫亦模字廣雅釋言模撫也說文模法也讀若嫫母之嫫高誘淮南子注嫫讀如模範之模集韻摹亦作模模亦作

櫛

炮取豚若將○注云將當爲牂牁羊也

喬樅謹案正義云將牂聲相近又字體一邊相似
牁羊宋本作牁羊考文引古本足利本同案作牁
者是也爾雅釋畜羊牁牁牁詩苕之華牁羊墳
首傳云牁羊牁羊也墳卽牁之假借謂牁羊而牁
首故傳云無是道也廣雅釋獸羊屬云吳羊牁一
歲曰牁牁三歲曰牁其牁一歲曰牁牁三歲曰牁
分析羊之牁牁尤爲明晰衆經音義十四引字林
云牁牁羊也牁字亦牁之譌又案爾雅釋天太歲

在午曰敦牂開元占經引李巡注曰言萬物皆茂
壯敦茂也牂壯也孫炎注曰敦盛也牂壯也言萬
物盛壯也牂字訓壯則牂羊亦可訓爲壯羊牂字
或爲壯之譌未可知也

塗之以謹塗○注云謹當爲瑾聲之誤也瑾塗塗有穠
草也

喬樅謹案謹瑾音相近故知
向瑾戶傳云瑾塗也月令皆瑾其戶注云瑾謂塗
閉之說文土部瑾涂也鄭以瑾塗爲塗有穠草者
謂合黍稷與泥相和而塗之使相粘著謂之瑾塗

取其乾則易擘也

糴洩之以爲醢○注云糴洩亦博異語也糴讀與滫澠之滫同

喬樅謹案集韻滫或作糴則糴字卽滫之異文史記三王世家漸之滫中索隱云滫如禮滫洩之滫正引作滫字此記上文滫澠以滑之注云秦人洩曰滫則滫義與洩同猶上文剗之剗義與剗同故鄭此注云糴洩亦博異語也周禮司烜氏注明盥謂以明水滫滌塗或稷疏云滫謂滫澠類篇水部云滫說文久泔也一曰洩也米部糴久泔

也一曰澁也並音思留切又史記三王世家集解
休廣曰滫泔米汁也泔米汁卽泔也說文云泔
泔米汁也又云周謂泔曰泔是滫泔音同義同知
非爲二字也

欲濡肉則釋而煎之以醢○注云醢或爲醢

喬樅謹案上文淳熬淳母並言煎醢則知此爲熬
亦與之以醢也醢或爲醢者上文濡雞醢醬實蓼
濡鼈醢醬實蓼注云凡濡謂亨之以汁和也釋文
云醢一本作醢次下句同此八珍炮言調之以醢
醢漬言以醢若醢醢則爲熬或亦煎之以醢又上

文菹也辟雞也軒也宛脾也皆云切葱若薤實諸醯以柔之又擣珍柔其肉注云柔之爲汁和也汁和亦醯與此爲熬欲濡肉則亦必柔之以醯與濡雞濡鼈者同

以其膏濡炙之舉燠○注云舉或爲巨

喬樅謹案舉巨聲相近顏氏家訓音辭云北方之音多以舉莒爲矩是也正義釋舉云皆也巨與具通水經巨洋水注云巨洋卽國語所謂具水矣具字訓俱亦訓爲皆見詩毛傳及楚茨箋則此巨字乃具之假借耳燠陸氏釋文本作焦

以與稻米爲醢○注云此周禮醢食也此醢當從饗

喬樞謹案釋文出爲醢云讀爲饗段玉裁云經文
醢字鄭時本作饗周官醢人注引內則正作饗字
正義引稌問志云內則饗次糝又云內則有饗無
醢周禮有醢無饗明醢饗是一故破醢從饗又饌
餌粉醢注此醢當爲饗以稻米與狼胄膏爲飭是
也本篇更可証記文醢字之誤注此醢當從饗此
字贗謂周禮之醢當從內則作饗前注云此醢者
以別於黍醢也

并總角拂髦○注云角衍字也拂髦或爲繆髦也

喬樅謹案上文子事父母櫛縱并總拂髦無角字故知此爲衍文鄭君彼注云總束髮也垂後爲飾拂髦振去塵著之髦用髮爲之象幼時髻其制未聞也此拂髦或爲繆髦者繆糾也謂糾其髦之垂者毛詩柏舟髦彼兩髦傳云髦者髮至眉子事父母之飾髦兩髦之貌文選魏都賦注云髦垂貌也接以太牢○汪云接讀爲捷捷勝也謂食其母使補虛強氣也

案春秋邾捷菑公羊作接菑

喬樅謹案接捷聲近義同爾雅釋詁曰接捷也注

云捷謂相接續也周易晉卦晝日三接鄭君注云
接勝也是亦讀接爲捷公羊僖三十二年鄭文公
接左氏穀梁皆作捷史記鄭世家作噍大戴禮保
傳篇接給而善對者謂之承賈誼新書作捷給荀
子大略篇先事慮事謂之接注云接讀爲捷衆經
音義十七引字詁古文是今作接同一說曰淮南
精神訓云聖人食足以接氣注接續也呂覽論威
捷于肌膚也注捷養也此記接字讀捷謂食其母
使補虛強氣也宜兼有續養二義

宰醴子賜之東帛○注云醴當爲禮聲之誤也禮以一

獻之禮酬之以幣也

案孔氏正義此約士昏禮禮賓酬幣之云

喬樅謹案醴禮古書每相通用儀禮士冠禮云請醴賓注云此醴當作禮士昏禮請醴賓注云此醴亦當爲禮又賓入授如初禮注云古文禮爲醴聘禮記不禮注云古文禮作醴此古文假醴字爲禮故鄭讀皆從今文禮字士冠禮禮於阼注云今文禮作醴聘禮賓拜禮於朝注云今文禮爲醴又禮玉束帛乘皮注云今文禮皆作醴此今文假醴字爲禮故鄭讀皆從古文禮字醴者對醯而言其酌

有用醴用酒之別士冠禮言若不醴則醕用酒賈氏疏云以其言醴則不兼於醕言禮則兼有醴醕二法其說是也一獻之禮備獻酢酬三者醴與醕則酌而不酬酢此記言賜以束帛是有酬幣故鄭以醴當作禮也

祇見孺子○注云祇敬也或作振

案尚書皋陶謨曰巖祇敬六德史記夏本紀作振敬盤庚下爾謂朕曷震動萬民以遷漢石經作今爾惠朕祇勤見隸釋及東觀餘論

喬樅謹案書無逸治民祇懼史記魯周公世家作

治民震懼又金縢罔不祗畏費誓祗復之魯世家祗字並作敬集解引徐廣曰敬復之敬一作振易振恒釋文云張注本作震荀子正論莫不振動從服以化之注云振與震同周禮大祝振祭杜子春讀振爲慎詩夙夜敬止箋云敬慎也然則此記祗或作振振亦敬之假借字

旬而見○注云旬當爲均聲之誤也均而見者以生先後見之易說卦坤爲均今亦或作旬也

案易雖旬无咎荀爽旬作均周禮均人公旬注旬均也

喬樅讀案詩柔其下侯旬毛傳云旬言陰均也
又江漢來旬來宣傳云旬徧也徧亦均之意說文
旬徧也十日爲旬均平徧也訓義並同

男鞶革女鞶絲○注云鞶小囊盛悅巾者男用韋女用
緇有飾緣之則是鞶裂與詩云垂帶而厲紀子帛名裂
縐字雖今異意實同也

喬樅謹案正義云言古時厲裂通爲一字今時厲
裂字義俱異大意是同言同爲分裂之義也攷詩
都人士垂帶而厲箋云厲字當作裂又詩思齊烈
假不瑕唐公房碑作厲盡不遐集韻作厲假不遐

周禮山虞物爲之厲禁鄭司農注云厲遽列守之
禮記祭法厲山氏左氏昭廿九年傳作烈山氏楚
詞招魂厲而不爽些注云厲烈也文選長笛賦激
朗清厲注云厲列也管子五輔篇大袂列注云列
裂同

奔則爲妾○注云奔或爲衙

喬樅謹案說文衙行且賣也从行从言重文衙云
衙或从立廣雅釋詁衙賣也曲禮曰買妾不知其
姓則卜之故云衙則爲妾也又案釋文云衙古縣
字本又作御攷漢書東方朔傳集注云衙音州縣

之縣陸以衙爲古縣字於義不合疑有脫誤當作
衙古音如縣字衙本又作御者上文云故妾雖老
年未滿五十必與五日之御御猶進也侍也蔡邕
獨斷曰御者進也凡衣服加於身飲食入於口妃
妾接於寢皆曰御鄭注曲禮婦人不當御云御接
見也

玉藻第十三

龍卷以祭。○注云龍卷畫龍於衣字或作袞

喬樅謹案郊特牲王被袞以象天釋文卷本又作
袞同古本反雜記上公襲卷衣一釋文卷音袞喪
大記君以卷釋文卷本又作袞同古本反祭義天
子卷冕北面釋文卷古本反祭統君卷冕立于阼
釋文同是卷袞二字禮記多相通用

元端而朝日於東門之外聽朔於南門之外。○注云端
當爲冕字之誤也元衣而冕冕服之下

案孔氏正義曰知端當爲冕者按下諸侯皮弁聽朔

朝服視朝是視朝朝服卑於聽朔今天子皮弁視朝若元端聽朔則是聽朔之服卑於視朝與諸侯不類且聽朔大視朝小故知端當爲冕下文諸侯元端以祭注云端亦當爲冕字之誤也諸侯祭宗廟之服惟魯與天子同又雜記元冕一注元冕或爲元端案據雜記則冕端二字禮記固多相亂也

諸侯元端以祭○注云端亦當爲冕字之誤也

喬樅謹案大戴禮諸侯遷廟篇盧辯注引玉藻曰元端以祭裨冕以朝孫炎云端當爲冕元冕祭服之下也是孫叔然亦以端字爲冕之誤

凡有血氣之類弗身踐也。○注云踐當爲剪聲之誤也。剪猶殺也。

案儀禮既夕禮緇剪注剪淺也。今文剪作淺。

喬樅謹案考工記鮑人則是以博爲淺也。注鄭司農云淺讀爲剪。元謂剪者如淺淺之淺。或者讀爲羊豬芟之芟。周禮巾車前樊鵠纓注前讀爲緇剪之剪。淺黑也。詩甘棠勿剪勿伐。釋文引韓詩作勿剗。勿伐。文王世子不剪其類也。周禮甸師鄭司農注作不踐其類也。書成王政序遂踐奄鄭君注亦云踐讀爲剪。剪踐淺淺淺剗皆以聲近假借。

刑言纂言 卷三
君羔臂虎植。○注云植讀皆如直道而行之直直謂緣也

案詳見前檀弓

喬樅謹案鄭君釋緣云飾邊也故此注謂直爲緣以爲君齋車之飾也又方言四袒飾謂之直衿曹憲音釋云衿音領廣雅云直衿謂之裼袒飾長襦也釋名釋衣服云直領邪直而交下亦如丈夫服袍方也則直領當亦緣飾之名

諸侯茶前誦後直。○注云茶讀爲舒遲之舒

案攷工記斲目必茶鄭司農云茶讀爲舒舒徐也

喬樅謹案茶从余聲舒从予聲古以聲近假借詩
閟宮荆舒是懲史記建元以來諸侯年表作荆荼
是懲左傳襄二十三年晉魏舒史記魏世家索隱
引世本作魏荼又哀十四年陳恒執其君置諸舒
州史記齊世家作徐州索隱曰徐廣音舒其字从
人攷工記弓人寬緩以荼注云荼古文舒假借字
鄭司農云荼讀爲舒荀子大略篇諸侯御荼注亦
云荼古舒字說文舒伸也从舍从予予亦聲一曰
緩也徐緩也从人余聲詩毛傳舒遲也廣雅釋詁
曰徐遲也則舒字本與徐通荼字又徐之假借耳

受一爵而色洒如也。○注云洒如肅敬貌洒或爲察

案釋文王肅作察云明貌也

喬樅謹案洒字與察義通爾雅釋邱望厓洒而高
岸注洒謂深也大戴禮少閒篇汙池土察注云察
深也又詩新臺有洒釋文引韓詩作濯云鮮貌鮮
亦明也

緇布冠續綬。○注云續或爲繪綬或爲黹

案論語繪事後素鄭注周禮引作續事明堂位夏后
氏之綬注綬當作綬讀如冠黹之黹又周禮夏采注
云士冠禮及玉藻冠綬之字故書亦多作綬者今禮

家定作蕤

喬樅謹案虞書作會說文引作繪周禮司服注引作績凡畫者爲繪綏說文云糸冠纓也从糸委聲綏車中把也从糸妥聲蕤艸木華垂貌从艸𠂔聲綏綏蕤三者訓義不同古書多借綏爲蕤字如檀弓喪冠不綏釋文綏本作綏王制天子殺則下大綏諸侯殺則下小綏注綏當爲蕤雜記以其綏復注綏當爲綏綏讀蕤賓之蕤字之誤也綏謂旌旗之旄也綏綏形近易致混淆故禮家定冠綏字爲蕤以冠纓之飾下垂象艸木之華下垂也旌旗之

屬亦名爲綬者旄注於竿首其形榮榮然有似冠之纓飾故字同作綬耳

縞冠素紕○注云紕緣邊也紕讀如埤益之埤

喬樅謹案爾雅釋言紕飾也廣雅釋詁二紕緣也雜記下云韞紕以爵韋六寸純以素鄭注云在旁曰紕在下曰純是冠之邊緣曰紕韞之邊緣亦曰紕士喪禮記縗綈楊鄭注云飾裳在幅曰綈在下曰綈飾在幅者謂裳之邊緣是綈卽紕也玉藻又曰天子素帶朱裏終辟鄭注云辟讀如裨冕之裨謂以縞采飾其側則辟亦紕之假借按字之从比

从學之古書多相通。詩節南山天子是毗釋
文云毗王本作埤荀子宥坐篇作天子是庠注云
庠讀爲毗隋書律歷志作天子是禕是其証也
大帛不綌。○注云帛當爲白聲之誤也大帛謂白布冠
也不綌函服去飾

喬樅謹案正義曰雜記云大白冠緇布冠皆不綌
彼大白與緇布連文故知此大帛謂白布冠也攷
左傳隱二年紀子帛莒子盟于密公羊穀梁帛皆
作伯國策秦策大敗秦人於李帛之下史記作李
伯詩六月白旆央央爾雅釋天孫炎注作帛旆央

央皆以聲近通假

縫齊

山要○注云縫紵也縫或爲逢或爲豐

和縱謹案逢者縫之消借豐者逢之通假儒行衣逢掖之衣注逢猶大也攷工記函人欲其豐也注豐大也是逢豐義同淮南天文篇五穀豐昌史記天官書豐作逢是逢豐字通後漢書吳延史盧趙傳贊逢掖臨師注云逢相承本作縱義亦通

振絺綌○注云振讀爲袵袵釋也

案孔氏正義云振與袵聲相近袵字從衣故讀從袵曲禮注引論語云當暑袵絺綌是論語本有爲袵字

者据正義此言是唐時論語各本皆作振絺絺惟鄭氏禮記注引作袵字也今何晏論語集解及皇侃論語義疏二本仍並作袵絺絺

喬樞謹案說文衣部袵元服从衣今聲重文袵云袵或从辰袵字或亦從辰故得假振爲袵史記司馬相如傳槃石振崖索隱引李奇曰袵整也整義卽振之訓文選上林賦正作振崖是又假袵爲振

也

惟君補裘以誓省○注云省當爲獮獮秋田也

案明堂位春秋省云讀爲獮

喬樅謹案爾正釋詁獮殺也國語周語獮於既烝
注秋田曰獮獮殺也左氏隱五年傳注獮殺也以
殺爲名順秋氣也省與胄通書洪範王省惟歲史
記宋世家作王胄惟歲是其例也周禮大司徒七
曰胄禮鄭司農注胄禮掌客職所謂鹵荒殺禮者
也又大司馬馮弱犯寡則胄之注胄猶人省瘦也
引王霸記曰四面削其地削猶殺也見儀禮喪服
記外削幅注
公羊僖廿二年傳春秋詞繁而不殺者正也注殺
省也獮義取殺戮之殺省義取滅殺之殺雖音讀
異而字則同獮又與省聲近故古書或假省爲獮

字

而素帶終辟。○注云辟讀如裨，裨之裨，裨謂以緇絲飾其側。此自而素帶亂脫在是耳。宜承朱裏終辟。

喬樅謹案辟讀如裨，義已見前記下文云天子素帶朱裏終辟。此云而素帶終辟，大夫素帶辟垂。知此文宜承朱裏終辟之下。素帶終辟，謂諸侯也不以朱爲裏者，避天子也。疑而下脫去諸侯二字。

一命緼鞞幽衡。○注云幽讀爲黝，黑謂黝。

案周禮牧人用黝牲，注黝讀爲幽，守祧黝聖，注鄭司農云黝讀爲幽。

喬樅謹案詩隰桑其葉有幽毛傳云幽黑色也春秋元命包曰幽之言窈也大戴禮諸志幽者幼也周官牧人及守祧注引鄭司農並云幽黑也爾雅釋器黑謂之黝注黝黑貌鄭君於此記讀幽爲黝擬其色也於周禮注從司農讀黝爲幽擬其音也段玉裁曰周禮牧人及守祧經文當本作幽注引司農讀幽爲黝黝黑也引爾雅黑謂之黝爲証今本經注幽黝互譌耳幽黝古今字先後鄭皆以今字讀古字段說亦通

王后禕衣夫人揄狄○注云禕讀如聿揄讀如搖皆翟

雉名也刻綰而畫之著於衣以爲飾因以爲名也後世作字異耳

案据周禮內司服

喬樅謹案內司服禕衣揄狄注云狄當爲翟翟雉名伊雉而南素質五色皆備成章曰翟江淮而南青質五色皆備成章曰揄禕衣畫翟者揄狄畫揄者禕揄狄翟聲相近段玉裁曰禕與翟聲近翟本音在十三部讀如熏文微轉移最近又入微與禕聲同鄭意翟是正字禕是假借字許君說文禕云蔽褻也从衣韋聲周禮曰王后之服禕衣謂畫袍

亦以褱爲蔽鄰正字而褱衣特假借此字也掄與搖聲近掄本音在第四部侯蕭轉移最近入蕭韵與搖聲同鄭意搖是正字掄是假借說文作綸云翟羽飾衣也从衣俞聲說本毛公字不從手亦不謂爲搖之假借毛詩釋文掄字又作綸與許本合喬樅謂軍字本取圍義說文軍圍圍也衆經音義十八引字林軍圍也廣雅釋言亦云軍圍也故聲字得與褱通禮記投壺毋踰言注踰或爲遙漢書陳湯傳踰集都賴注踰讀曰遙廣雅釋詁一踰遙並訓爲遠踰卽逾字雜記上大夫不掄絞屬於池

下喪大記揄綬纁紐注並云揄揄翟也則揄亦與
搖通

三寸長齊于帶紳長制士三尺有司二尺有五寸子游
曰三分帶下紳居二焉紳鞞結三齊○注云此又亂脫
在是宜承約用組結約餘也結或爲衿

喬樅謹案正義云以此經直云三寸長齊于帶非
發語之端明知有所承次故以爲宜承約用組之
下結或爲衿者衿與紵通內則衿纓注猶結也釋
文云衿本又作紵又紵衿釋文同少儀注及紵帶
也釋文云紵結也

大夫大帶四寸雜帶君朱緣大夫元華士緇辟二寸再緣四寸凡帶有率無箴功○注云此又亂脫在是宜承紳鞶結三齊

喬樅謹案正義云以下文三寸長齊于帶合承上紐約用組之後則此大夫大帶一經不得廁在其間故知宜承下紳鞶結三齊之後也

君命屈狄再命褱衣○注云屈周禮作闕謂刻繪爲翟不畫也褱當爲鞠字之誤也

案喪大記同又周禮內司服闕狄注鄭司農云喪大記曰夫人以屈狄屈者音聲與闕相似

喬樅謹案闕與掘通左氏僖二十五年注掘地爲
坎釋文云本作闕地廣雅釋詁三掘穿也國語吳
語闕爲石郭及闕爲深溝於商魯之間注並云闕
穿也集韻掘或作闕屈又與厥通春秋文十年經
楚子蔡侯次于厥貉公羊作屈貉左氏宣十二年
傳韓厥公羊襄元年經作韓屈淮南俶真篇鏤之
以剗剗注剗讀詩蹶角之蹶漢書楊雄傳上般倕
弃其剗剗兮注應劭曰剗曲鑿也剗剗當卽剗剗
剗字從屈屈亦曲也禕當爲鞠字之誤者正義曰
以典命子男之卿再命其大夫一命其士不命此

云再命褱衣一命禮衣士祿衣又承闕狄正與子男同故知據子男夫人及卿大夫士之妻也褱衣是王后之服故云當爲鞠衣喬樅謂鞠衣與禮衣祿衣三者爲類次於褱衣掄狄闕狄三祭服之下鄭君言禮天子諸侯命其臣后夫人亦命其妻以衣服所謂夫尊於朝妻榮於室子男之卿再命而妻鞠衣則鞠衣禮衣祿衣者諸侯之臣皆分爲三等其妻以次受此服也

士祿衣○注云祿或作稅

喬樅謹案內司服祿衣作綠衣注引雜記曰夫人

服稅衣掄狄又喪大記曰士妻以祿衣言祿者甚
衆字或作稅此祿衣者實作祿衣祿衣御於王之
服亦以燕居男子之祿衣黑則此亦黑也祿字之
誤也段玉裁曰祿衣雜記作稅衣稅古讀如退與
祿聲相近喬樞謂詩大雅混夷駝矣惟其喙矣以
駝與喙爲韵是古音相近之証祿者正字稅者聲
近假借字儀禮士喪禮祿衣注黑衣裳赤緣之謂
之祿祿之言緣也所以表袍者也喪大記士妻以
稅衣鄭君內司服注引作祿衣是禮記或不有作
祿者故據以爲証雜記上注稅衣若元端而連衣

裳者也疏云稅謂黑衣也釋名釋衣服曰祿衣祿
黑色也

趨以采齊○注云齊當爲楚薺之薺

喬樅謹案仲尼燕居和鸞中采薺客出以雍徹以
振羽注云采薺雍振羽皆樂章也其字正作薺故
讀從之詩牆有茨毛傳云茨蒺藜也說文艸部薺
蒺藜也从艸齊聲引詩曰牆有薺是薺茨字通漢
書禮樂志猶古采薺肆夏也注云禮經或作資又
作茨賈誼傳步中采齊注云齊字或作薺又作茨
是薺字作齊乃古文之省借耳惠氏棟曰楚薺詩

作楚茨王逸楚詞章句引詩云楚者者資其字皆以齊次爲聲同物同音故大戴禮保傅篇云行以采茨趨以肆夏又云揚中采茨趨中肆夏鄭从周禮作齊又引楚茨以証之明同物也

大夫佩水蒼玉而純組紱○注云純當爲緇古文緇字或作糸旁才

案正義曰鄭讀純爲緇其例有異若經文絲帛義分明而色不見者卽讀純爲緇媒氏云純帛不過五兩祭統云后夫人蠶事以供純服論語云麻冕禮也今也純儉是也若色見而絲不見則不破純字以義爲

絲昏禮女次純衣注云純衣絲衣是也周禮媒氏純帛鄭注純實緇字也古緇以才爲聲

喬樅謹案檀弓紕衣釋文紕本作緇又作純詩行露傳紕帛不過五兩釋文紕本作純丰箋紕衣纁衾釋文紕本作緇又作純儀禮士冠禮注純衣賈疏曰古緇紕二字並行若據布爲色者則爲緇字若據帛爲色者則爲紕字但緇布之緇多在本字不誤紕帛之紕則多誤爲純又祭義注純服亦冕服也孔疏云鄭氏之意凡言純者其義有二一糸旁才是古之緇字一糸旁屯是純字但書文相亂

雖是緇字並皆作純段玉裁曰古文緇以才爲聲
作材篆作𦵏純篆作𦵏隸作純形畧相似是以誤
爲純字也說文無材字蓋失之

士佩璫玼而緇組綬

案緇鄭注云赤黃色詩鄭風子衿傳士佩璫玼而青
組綬孔氏正義云蓋毛讀禮記作青字其本與鄭異
也

肆束及帶勤者有事則收之走則擁之○注云肆讀爲
肆肆餘也餘束紐約之餘組也此亦亂脫在是宜承無
箴功

喬樅謹案肄肄二字古書多通假周禮小宗伯肄儀爲位注肄習也故書肄爲肄杜子春讀肄當爲肄此假肄爲肄字也聘禮記侯于郊爲肄注肄猶陳列也古文肄爲肄此假肄爲肄字也左氏文四年傳臣以爲肄業及之也釋文肄依字作肄曲禮君命大夫與士肄釋文肄本又作肄學記宵雅肄三釋文肄本又作肄內則請肄簡諒釋文肄本作肄詩甫田箋以道蔬相請肄釋文肄字亦作肄案肄業請肄請肄三者皆作習解則字當爲肄今注疏本皆作肄字肄又訓爲餘者詩汝墳伐其條肄

毛傳肄餘也曲禮歛髮勿髦注髦或爲肄釋文肄餘也左氏襄廿九傳而夏肄是屏注肄餘也方言一烈枿餘也秦晉之間曰肄陳鄭之間曰枿晉衛之間曰烈廣雅釋詁及釋木並云肄枿也戴氏震曰列與裂𠂔音義同說文裂繪餘也廣雅𠂔餘也商書盤庚篇若顛木之由枿馬融注云顛木而肄生曰枿肄餘語之轉

膳於君有葷○注云葷薑及辛菜也葷或作焄

喬樅謹案葷字古通作薰薰與焄同儀禮士相見禮膳葷注葷辛物蔥薤之屬食之以止臥古文葷

作薰內則注一薰一腐釋文薰或作焄又作葦祭
義焄蒿悽愴注焄謂香臭也論語鄉黨注齋禁焄
物釋文焄本或作葦今作薰荀子哀公篇志不在
於食葦家語五儀作志不在於食焄王肅注焄辛
菜也攷說文葦臭菜也葦爲正字薰爲古文假借
字薰薰字同說文無焄字焄卽熏之俗體

乘路車不式○注云或曰乘兵車不式

喬樅謹案上文云禮不盛服不充是此節明禮盛
者不崇小敬路車不式與九裘不裼連文知爲禮
天之車服故鄭以乘路車爲玉路也或本作乘兵

車不式者曲禮上有云兵車不式以事尚威武故亦不崇曲敬也禮家所傳本有不同耳

疾趨則欲發○注云欲或爲數

喬樅謹案祭義其行也趨趨以數注云數之言速也疾趨則數發卽所謂趨趨以數也下文夔行剡剡起屨亦申言疾趨之節正義云夔急也既是疾趨宜急行也剡剡起屨者急行欲速而身屨恒起也數發卽剡剡起屨之義

端行顚密如矢○注云顚或爲寔也

喬樅謹案釋文遺音夷徐音追攷玉篇雨部遺隱

也雷也隱與殷通廣韻六脂通雷也出韓詩通字
卽詩殷其雷之異文中庸壹戎衣注云衣讀如殷
聲之誤也齊人言殷聲如衣陸釋文以通音夷聲
亦與衣相近故顧道得以通假也

立容辨卑毋調○注云辨讀爲貶自貶卑謂磬折也

案周禮士師荒辨注同

喬樅謹案周禮注鄭司農讀荒辨爲荒別鄭君易
司農說以辨爲聲之誤當讀爲貶謂有貶損作權
時法也周禮荒辨可以兩讀而此辨卑連文與上
厲肅清明一例不可以辨字訓別故讀爲貶也

盛氣顛實揚休○注云顛讀爲闕揚讀爲陽聲之誤也
案春秋晉步揚史記作步陽今尚書優賢揚歷夏侯
等書作陽

喬樅謹案說文闕盛貌从門真聲廣雅釋訓闕闕
盛也詩采芑振旅闕闕說文口部引作振旅噍噍
漢書游俠原涉傳人無賢不肖闕門注闕字典寶
同武帝紀注引鄧展曰闕音填塞之填文選西都
賦闕城溢郭注填與闕同家語填如也王肅注填
實貌是闕字與填實顛噍皆以聲同相假借也
揚陽亦以聲同通用詩野有蔓草清揚婉兮說苑

尊賢篇作清陽婉兮又正月燎之方揚漢書谷永傳作燎之方陽左氏昭廿五年次乎陽州公羊作揚州釋名釋天云陽揚也氣在外發揚也則義並相通矣

公子曰臣孽○注云孽當爲枿聲之誤

案孽乃槩字之假借

喬樅謹案槩卽枿字詩長發苞有三槩毛傳云槩餘也漢書叔傳下注作包有三枿說文木部槩伐木餘也从木獻聲商書曰若顛木之有岵槩重文槩云槩或从木辟聲不古文槩梓亦古文槩公羊

襄廿七年傳則是臣僕庶孽之事也何休注云庶孽衆賤子猶樹之有孽生然則孽字亦取義於孽也